

澤州府志

方輿

澤州府志卷之六

山川

前明陸深曰太行山川有極佳者大率萬山中得一平曠有水處便立州縣澤之郡縣皆在萬山中而川之大者曰沁曰丹曰濮澤咸奔赴河濟爲渠爲浸灌輸民田第其中若底柱若丹源多爲詳說者以流傳不可以不正曾子固云理使客之館而辨其山川者太守之事也爲之志山川

鳳臺縣

太行山在縣南三十里地絡包孕氣厚勢完縣延中原千里不絕直上應東西河漢靈竒秀拔隨地結脈而異名其在澤州者尙其行而折也禹貢導岍及岐至于荆山逾于河壺口雷首至于太岳底柱析城至于王屋太行恒山至

澤州府志

卷之六

山川

一

于碣石入于海括地志曰太行山連亘河北諸州凡數千里爲天下之脊明道程子曰太行山千里片石衆山皆石上起爾明唐樞太行山記曰山自北紀雲中發宗行平定州至上黨遼沁潞澤衍亘多起彰衛懷三府南受藩垣中原自是西奔爲中條至雷首東發爲燕山至碣石左右行皆其托祖故曰太行又以介省故名省曰山之東山之西太行中原之正脈兩腋如華蓋所以冒中原而重其力惟其起張兩腋故身不自結而凝爲所冒之中以其行局之宏非太不足以當之而其伊止之所乃所以爲行之地蓋言意也王應麟伯厚地理通釋曰秦漢之間稱山北山南山東山西者皆指太行以其在天下之中故指此以表地勢明江寧顧起元太行考曰山海經太行山

一名五行山列子作太形則行本音也河圖括地象云太行天下之脊郭緣生述征記云太行首始河內自河內至

幽州凡有八陁爾雅山中絕曰陁第一軹關陁第二太行

在鄴西第五井陘第六飛狐陁第七蒲陰崔伯易感山賦

上正樞星下開冀方起為名邱妥為平岡巍乎其尊其名

太行蓋趁韻之誤耳按顏師古酈善長水經注曰淮南子

云武王欲築宮於五行之山周公曰五行嶮固德能覆也

內貢迴矣使吾暴亂則伐我難矣君子以為能持滿高誘

云今太行山也在河內野王縣西北上黨關詩所謂徒矬

野王道傾蓋上黨關即此山矣 山海經北次三經之首

曰太行山郭璞傳曰今在河內野王縣西北行音戶剛反其首曰歸山其上有金

玉其下有碧有獸焉其狀如麀羊而四角馬尾而有踞其

澤州府志

卷之六 山川

名曰驪善還其鳴自訃有鳥焉其狀如鵠白身赤尾六足

其名曰鷦是善驚其鳴自詖 凡北次三經之首自太行

之山以至於無逢之山凡四十六山萬二千三百五十里

其神狀皆馬身而人面者廿神其祠之皆用一藻茝座之

藻聚藻茝香草蘭之類其十四神狀皆彘身而戴玉其祠之皆玉不

座不種也其十神皆彘身而八足虵尾其祠之皆用一璧

座之大凡四十四神皆用稌糝米祠之此皆不火食 列

子太形王屋二山方七百里高萬仞 括地志太行山在

河內縣北二十五里南屬懷州北屬澤州 朱子文公語

錄太行山一千里河北諸州皆旋其趾潞州上黨在山脊

最高處過河便見太行在半天如黑雲然又曰太行山極

高晉州蒲坂山之盡頭又曰太行自崑崙北支入中國西

南行歷并冀三晉抵河東復與河會 蘇端明軾書臨城
道中曰予初赴中山連日風埃未嘗了了見太行也今將
適嶺表頗以是爲恨過臨城內邱天氣忽清徹西望太行
草木可數岡巒北走崖谷秀傑忽悟歎曰吾南遷其速返
乎退之衡山之祥也書以付邁使志之 省志云太行爲
諸山總會西南接底柱析城王屋又西迤姑射中條雷首
東北跨陵川壺關潞城黎城遼州和順武鄉諸州縣又東
爲燕山至碣石綿亘數千里隨地異名北嶽霍山五臺句
注蘆芽皆其支脈海內名山繇崑崙而下當以此山爲第
一云傅氏舊志曰通志云太行山中原望鎮也形大而原
遠地界夷夏省畫東西非一方可專惟澤諸峰特起雄峙
天下爲太行總會故特標圖經

澤州府志

卷之六

山川

三

月院山縣南六十里太行絕頂石壁嵯峨飛泉墮薄下臨天
柱峰有潭深不可測鑿詩曰溪潭直上孤峰底恠柏蒼蒼
老不死藜杖長拖嘯一聲虎豹潛形盡縮耳須臾有客話
無生旋煮新茶汲冰水樵歌依約耳邊來詩情只在烟嵐
裏山人李題

天柱山縣南六十里有普照寺

橫望嶺縣南六十里唐書狄仁傑自汴州叅軍移并州法曹
親在河陽仁傑登太行山反顧見白雲孤飛謂左右曰吾
親舍其下瞻悵者久之雲移乃得去志云舊有隸書碑石
郡守錢唐朱樟于雍正十二年復立石其上曰狄梁公望
雲處

黑石嶺縣南八十里太行絕頂水經注云澤水又東得陽泉

水其水東逕陽陵城南歷焦燒山東下與黑嶺水合水出西北黑嶺下卽開蹬也登其上中原胥在目矣

峽石山縣東南三十五里兩石對峙若門丹水湍奔其下上有青蓮寺有嵌崖袤丈餘廣倍之暴雨驟發中罅如雷鳴西有擲筆臺相傳慧遠注涅槃經成擲其筆曰若疏義契理筆當駐空已而果然

珏山縣東南四十里兩山玉立若了角然故又曰角山中秋月湧正中適當其缺玉臺明鏡光景絕竒上有歛月臺山頂建眞武廟

松林山縣南三十里山陽白龍洞山陰觀音洞東接晉普山浮山縣東南三十五里插入天漢高若雲浮形家謂爲天馬上有伏羲廟北谷有媧皇窟中虛如囊相傳鍊石補天處

澤州府志

卷之六

山川

四

崔伯易感山賦序曰太行一名皇母一名女媧接珏山磨齒山有女媧祠丹水經其下

磨齒山縣東二十五里有媧皇廟連珏山浮山丹水流其下一名磨兒山

石人山縣東南八十八里太行絕頂兩峰對峙離立如人有龍潭水經注丹水又東南流注於丹谷晉書地道記曰縣有太行關丹谿爲關之東谷途自此去不復由關矣又逕二石人北而各在一山角倚相望南爲河內北曰上黨二郡以之分郡元郝經太行望詩西北兩峰寒云是雙石人一名聖人崖

玲瓏山縣東七十里有風穴居人以石覆之一名崆峒山洞子巖縣東南十五里下臨聖字泓一名琵琶泓有黑虎洞

琵琶寺唐宋勝游之地楊謨詩晉城出郭十里餘百丈懸崖掛層屋耳曠不聞琵琶聲但見一泓春水綠

天池嶺縣東三十七里高巖壁立如城南北二石門中可容千人昔嘗爲避兵地

紫金山縣東南九十里中有黃龍洞迤正東五十五里有蓮花洞太行之支

蟠龍山二一在縣東南九十里有淨影寺一在縣西北六十里有鳳林菴元泉寺

香爐山二一在縣南三十里懸崖斷澗中峯突起故名太行之支也一在縣西北四十里大陽鎮山下有水名虎跑泉
滙爲鎮之南河

苜山縣東北五十里有道泉溪有藺相如廟

澤州府志

卷之六

山川

五

全玉嶺縣東北四十五里苜山左相傳藺相如令舍人持璧從間道歸趙經此全今訛金

玉仙山縣西南三十里有白石先生祠

晉普山縣西南三十五里山陰積雪入夏不消有九泉上有李衛公廟

吳神山縣西南六里卽晉普之支廟祀秦伯仲雍

松嶺山縣西南九十里晉普山之對楊廷秀詩澤居太行顛繞郭山如帶西南古松嶺傑出羣峰外

佛頭山縣西南四十五里與晉普山對峙

追山縣西南五十五里有湯王廟

金剛嶺縣西二里伏莽僻徑行人少至今成康莊

寶山縣西南五里卽碧落山之支有寶山寺下爲冶家河以

鑄山得名

五門山縣西十二里連碧落山環列如城墉通行處凡五
桃固嶺縣西二十里一名寨子嶺上有山寨路由周村達陽
城縣

萬松山縣西南三十里劉龍靈巖寺藏塔記曰澤西南有山
曰萬松中有寺爲靈巖其山蜿蜒綿亘若鸞鳳騰翥松檜
森蔚行竟日不見天日爲太行一支勝槩寺亦茲山佳境
也寺接晉普山下
可寒山二一在縣西三十五里連岳神山有乾明寺下接東
溝一在縣東北三十里有龍王廟下接巴公鎮
方山縣西四十里壁立如砥可寒之支上有北岳廟陽城亦
有方山

澤州府志

卷之六

山川

六

岳神山縣西四十里連沁水縣榘山陽城縣史山沁水逕其
下有天仙祠以樂氏二女名

黃沙山縣西四十五里上有仙掌跡北岳廟晉普之支山
洞陽山縣西四十二里上有天仙廟

五龍山洞陽南六里有水簾洞石殿康熙十一年七月大雷
雨震裂山石中涵一泉深清甘寒有疾者飲之輒愈邑人
陳氏壯履有記

碧落山縣西北十五里複嶺千松寒翠彌谷每陰晦雲卽離
離然一名卧雲山下臨碧落寺後石佛谷東接司馬山二
山綴屬城堞屏翳右有沙河流逕城南入白水
司馬山縣北十里魏司馬懿封長平侯嘗登此山又司馬就
司馬望胥守是郡故名風土記司馬山在晉城初學記曰

晉代祠此因以爲名西有小析山上有嘉潤池連聖王山
土斷爲五門山左有沙河逕城東滙白水

伊侯山縣西北二十里沙河水源出此相傳伊尹從湯禱雨
經此有伊尹廟 香山縣西北六十里

聖王山縣西北四十里有湯廟顯化池

梧山縣西北六十五里相傳梧邱子隱此

吾山縣西北接高平界在三家店北三峯疊翠夕照倍佳

步佛山宋紹興間太行義士王忠植詣慶陽城下呼曰我河

東步佛山忠義人也考無此山其卽縣西南之佛頭山乎

青龍洞城南二十里有泉自洞中出冬夏不竭上有祠旱禱

屢應天順七年碑記

羊腸坂縣南三十里括地志云河內縣北有羊腸坂元和志

澤州府志

卷之六 山川

七

曰太行陁在懷州北闊三步長四十里羊腸所經瀑布懸
流實爲險隘蔡澤謂應侯決羊腸之險塞太行之道曹孟
德詩北上太行山艱哉何巍巍羊腸坂詰曲車輪爲之摧
劉歆遂初賦曰馳太行之嶮峻入天井之高關太行天井
羊腸其險峻可知 按說苑桀之居伊闕在其南羊腸在
其北今太原西北九十里通河西上郡關者是又通典陽
曲縣有乾燭谷卽羊腸坂鄧訓曰今岢嵐州界羊腸坂也
隋煬帝登太行山問崔躋曰何處有羊腸坂對曰案漢書
地理志上黨潞州壺關縣有羊腸坂曰不是答曰案皇甫
士安撰地書云太原北九十里羊腸坂曰是也此王伯
厚地理通釋及胡渭氏禹貢錐指二書所引然則石陘縈
委皆可名羊腸坂而太行爲特著云又田氏曰羊腸坂史

記正義云太行山坂道名南屬懷州北屬澤州

天井谷縣南四十五里

磨盤寨縣南六十里

碾子谷縣南二十里宋石守信破李筠於此

九里谷縣南九里元李俊民詩連峰忽斷開山門

石佛谷縣西北四十五里碧落山後皇甫湜詩漫澶太行北

千里一塊石平腹有壑谷深廣數百尺

丹谷縣東北三十里晉書地道曰縣有太行關丹谿爲關之

東谷途自此去不復由關矣魏建義三年源子恭鎮太行

丹谷時爾朱世隆駐建興高都爾朱兆自晉來會寇丹谷

崔伯鳳戰歿羊文義等開柵降兆子恭奔

宿鳳臺縣北四十里李村相傳晉太始元年前有鳳集於高都

澤州府志

卷之六

山川

八

之北雍正六年陞州爲郡附郭縣名鳳臺以此

天井縣南八十里附天井說 天井去縣八十里太行山頂

星輶鎮南道左天生智井井口徑七尺圍二丈許其深不

測投以大石初礮磕有聲詳聽窅不知所極往時有人畜

墮落悉不見影跡俯窺惴慄不敢近其險如此酈道元水

經注引地理志曰高都縣有天井關蔡邕曰太行山有天

井關在井北遂因名焉而說者遂以蔡中郎所云乃謂在

天東井宿之北以不知有天井故仿擬臆度論者莫察卽

以天之井宿名天井並不詳太行之實有天井也今攷名

地兼訪之邑人知鑿確有天井在與中郎說吻合蓋天井

關去井北三十餘里在蔡說雖不言道里幾何而曰井北

信然若云井宿隨天左旋又何北之足云且山尚有天井

谷天井溪皆因天井名何以名地者不古之是信今之是考遽以井宿當之而從未指稱天井之實有處所古人以天井名關亦以見其奇險矣前後書志皆忽而不載特摘出辨之 濟源縣北二十里盤谷西北有天井谷石上數坎其深若井水自上溢相接而落遠視若倚劍然韓退之和盧郎中送盤谷子詩有云昔尋李愿向盤谷正見高崖巨壁爭開張是時新晴天井溢誰把長劍倚太行衝風吹破落天外飛雨白日灑洛陽是盤谷中有谷亦名天井但去關彌遠耳至鳳臺南四十五里有天井谷又有天井溪咸以天井名蓋有天井而後各藉以名山川則天井之名實有專屬也

後漢書孝章帝元和二年三月乙未幸東阿北登太行山

澤州府志

卷之六

山川

九

至天井關注曰在今澤州晉城縣南今太行山上關南有天井泉三所也今按關南天井祇智井而無泉或始有今涸耶天井谷不可考或即天井第道里不合天井溪有水而非井濟源天井谷去關約五六十里夫曰泉山之有泉者多不得以井名名天井固有似井者

洪谷元好問有寶巖紀行詩詳藝文

龍門峽縣東二十五里丹水兩山夾流傳爲禹鑿

龍潭峽縣東南九十里水經注丹水東南歷西巖下巖下有

大泉湧發洪源巨輪

宋本作洪流巨輪

淵深不測蘋藻冬芹竟川

含淥雖嚴長肅月燕麥暄萋此五股泉流滙下陡絕爲潭傳僧慧遠對龍門說法之地

十八盤 潦坡 鐵櫬山皆在縣東南

丹水在縣東北六十里由高平寨上村入界源出高平丹朱嶺東南流注縣之丹谷逕石人山北又東南會白水歷西巖龍潭東南出山郭經曰丹水穿太行下山名丹口南流三十里會沁河達濟源逕武陟入黃河水經注曰丹水又東南流注於丹谷晉書地道記云縣有太行關丹谿爲關之東谷逕二石人北東南歷西巖下又南白水注之東南出山逕鄴城京相璠曰河內山陽西北六十里有鄴城又南屈而西轉光溝水出焉又西逕苑鄉城南屈東轉逕其城南東南流注於沁謂之丹口按水經注丹口接沁水郭氏謂出山之口名丹口要之丹與沁會別以丹口丹水下山亦出口洪流也兼引之

白水縣南一里許源出五龍山之五龍池東入丹水水經注曰丹水又南白水注之水出高都縣故城西所謂長平白水也東南流歷天井關地理志曰高都縣有天井關晉太元十五年征虜將軍朱序破慕容永於太行遣軍至白水去長子一百六十里又東南流入丹水謂之白水交明一統志白水在城南三里源出湖泓水東南流合丹水天井溪縣南四十五里源出天井關北流注白水水經注曰白水又東天井溪水會焉水出天井關北流注白水謂之北流泉又名聖井關

沙河一在城東關發源司馬山一在城西關發源伊侯山至城東南會白水雙流抱城近在里許

源漳水縣東北三十里源出東可寒山去巴公鎮八里泉在山背東流入丹水水經注曰丹水又屈而東注左會絕水絕水出泫氏縣西北楊谷舊唐書云武德元年移丹川於

源澤水卽此

雙泉縣東三十里白湍奔流自成潭渚經暑不涸居民引渠以資灌溉一名瀑泉

五龍溪縣東南三十里上建五龍宮

瀑水簾縣南三十里郭壁村一名水簾洞石崖高出洞口湧

泉自崖而下灑流成瀑

黑龍潭縣東北十里司馬山下禱雨以石投之

錦溪縣西七里夾岸溪流屈曲春夏之交花藥掩映上有落

花寺

小山泉水縣西南三里一拳堵立泉出巖罅間清瑩甘冽流

響淙淙卽冰雪荒寒而芹藻猶被磻戶

洞靈泉縣西南五里石隙一窪盈尺菴僧云仲夏水每及半

澤州府志

卷之六

山川

十一

扉一名流杯泉

馬跑泉縣東南三十里

溫泉二一在縣東南十里一在縣東三十里郭壁山中

按邑之水源亦不少支分派別泉脉浸廣頗散漫徑谷間任其盈涸流行曾未有如鄭白者興渠收瀦以溥美利一遇旱燥便至枯竭無所控告徒咎澤爲空名謂非東南澤國可比文潞公曰河溢非天災予亦謂水利非地力是在人爲耳

白羊泉縣東南五十里水出硤石瑤山間水盛流成川合丹水南下

五龍潭城南三里有五龍宮郡侯每禱雨於此有古龍潭水極清冽中沉鐵牌勒記年月多唐宋時年號得雨後鑄

投以酬神者潭上碑曰龍泉八分書甚古外有水曰柳溪亦資灌溉

溴水水經注出原山勳掌谷謂之白澗水源三一出秦嶺山下

朱溝津水出高都故城俗謂之源源水與丹水合

高平縣

米山縣東南十里春秋米子國赤翟後戰國趙將廉頗積糧於此土人因名大糧山有定林寺內定林泉劉龍米山鎮脩垣墻記曰高平縣東南十里有鎮曰米山居民猶一邑當澤潞之衝

發鳩山縣北五十里淮南子作發苞山山海經曰發鳩之山

漳水出焉東流注于河

郭璞曰濁漳或曰出長子縣鹿臺山而東至鄴入清漳

其上

澤州府志

卷之六 山川

十一

多柘木有鳥名精衛每入夜聞風雨聲畢氏曰五鳩少昊臣元魏有五鳩墓田氏曰發鳩山下有泉濁漳之源也有廟奉三神女謂主漳水傍侍女持白鳩傳漳水漲白鳩見鬪駟曰潞水即濁漳山陰泉北入潞山陽泉南入丹

濁漳漢志

云出鹿谷山淮南子出發苞山後魏志云出廉山要皆發鳩前後諸山及異名不同也

羊頭山縣北四十里與長子接界省志云有黍二畔其南陰地黍白其北陽地黍紅因之以定黃鐘陰地黍白乃高平界也隋律志曰上黨之黍有異他鄉其色至烏其形圓重用之爲量定不徒然縣志上有石狀如羊頭寰宇記曰神農嘗五穀之所上有神農城下有神農泉明朱載堉有秬黍辨田氏曰羊頭山在太行之北百五十里山最高俯視太行猶在下也危峯插霄日夕諸山俱暝而此峰迢照猶

光以地勢高山益高耳山東南相傳爲炎帝陵石磬尚存
按山麓遶數十村圍三大邑東北長治西北長子正南
高平

蚪蚡嶺縣東十里旱蝗祭此

丹朱嶺縣北四十五里長子界縣志長子縣界以堯封長子
丹朱得名漢書云長子周史辛甲所封顏師古注長讀長
短之長今俗爲長幼之長非也田氏曰丹林訛爲丹嶺而
朱乃後人妄加耶辨見襍編山下丹水所出山汝經曰謁
戾之山其東有林焉名曰丹林丹林之水出焉南流注于
河嬰侯之水出焉北流注于汜水

龍從山縣東二十里山形崆峒謂可望黃河喬松切雲上有
古寺一名招雲峰

澤州府志

卷之六

山川

十二

七佛山縣東五里高出群山有淵雲泉左右環河唐僧鑿七
石佛

營房嶺縣東十里趙廉頗屯軍于此背峯面澤有險可憑去
嶺百步許有古戰場荒草平沙水聲嗚咽

游仙山縣南十里有游仙寺金李游仙通敏讀書於此啟地
得古鐘聲徹山下數十里後年百歲終土人名里曰游仙
坊山陽有慈教院

頭顱山縣西南五里秦白起坑趙降卒處唐中宗收頭顱並
葬此建廟有司春秋祀之

懸壺山縣西南二十里有懸壺真人祠

卧佛山縣西南三十里馬村鎮山凹有萬月亭

五龍山縣西南二十里相傳慕容永時有五色雲見此亦歐

公五代史有異必書之意上有五龍池禱雨多應

空倉山縣西南四十五里秦白起詭運米置倉於此以給趙括舊建巡檢司城

龍王山縣東北三十五里上有三洞石渠寒泉漱玉滙爲溪流昔人每觴詠於上

翠屏山縣東北二十五里層巒秀巘回互如屏

舍利山縣東北二十五里唐釋子大愚公居此

穀遠山縣東北二十里出紅嘴鴉羊頭山之次

蓮花山縣東北十里有石如蓮花介于廻峯曲嶂間

韓王山縣北十五里其山特起上有平地數畝登陟俯瞰四

山如培塿相傳秦圍韓王于此有玉女泉縣治藉託之主

山也

澤州府志

卷之六

山川

十四

鳳頭山縣西北四十五里發鳩之顛形如鳳頭屹立乾地遙

望縣城里人建廟以障縣治之缺西接仙翁山沁水縣界

走馬嶺縣西北十五里出鐵鑛

金峯山縣西郭外三里有靈巖寺先月亭邑人多別業爲游

覽地

浩山縣西四十里有石朶山峯似花朶山西爲老馬嶺沁水

界

董峯山縣西四十里馬仙姑鍊形處有石槲

空箱山縣西四十里形似箱

金門山縣北五里土赤色耀日如金山趙軍壘門

石室山縣北三十里土人作石室旦常見五色雲及晡散相

傳有寶氣

釜山縣北三十里形如覆釜上有蒼頡廟名朗公山朗公蒼頡也路史謂史皇神農後神農已作穗書書與穗相因起今上黨羊頭山神農始種五穀處西連蒼頡古廟

傘蓋山縣北三十里長子界縣志云以形似名畢氏曰散宜菟取散宜氏今高平散蓋訛傘按商蓋殷侯國周公勝

殷將攻商蓋辛甲曰難攻請先九裔攻九裔而商蓋敗畢氏謂今高平蓋州是然則傘蓋疑商蓋之訛耳

牛心山縣西北三十里產石溫潤可硯

仙公山縣西北三十里相傳張果老過此

黑龍洞在縣北石室山左朗公山下深數百步中有寒泉冷侵人骨

玉泉谷縣西三十里石壁下有清泉仄巖曲徑林木幽異

澤州府志

卷之六 山川

十五

風洞縣東南十里山坡出恒三日入恒三日弘治間邑令楊子器恐駭俗埋塞之今以龍神廟覆其上

省寃谷縣西北二十里唐志有省寃谷本名殺谷元宗幸潞州過此因更名雍正十三年正月太守朱樟立石

丹水源出丹朱嶺縣北四十五里山海經曰謁戾之山郭璞傳曰

今上黨郡涅縣其東有林焉名曰丹林丹林之水出焉水經注曰

丹水自源東北流又屈而東注左會絕水絕水出泫氏

縣西北楊谷地理志曰楊谷絕水所出東南流左會長平水水出長平縣西北小山東南流逕其故城泫氏之長平

亭也白起坑趙卒于此其水東南流注絕水高都今鳳臺界泫氏今高

平絕水又東南與泫水會水導源縣西北元谷東流逕

一故城俗謂之都鄉水又東南逕泫氏故城南而東會絕

水亂流東南入高都右入丹水丹水又東南流注於丹谷入鳳臺界矣

丹源辨

丹水之名自應據山海經丹林之水爲是蓋考古者必証之今居今者尤宜稽之古縣志丹源出發鳩山州省志皆因之而州志於穀遠山下復云丹林之水出於羊頭山穀遠縣是本志已具二說通志於鳳臺縣丹水下云舊號泫木源出高平縣西北仙公山於高平縣云發鳩山在縣北丹水源此是本志又有二說至漢地理志曰高都縣有苑谷丹水所出水經注曰水出上黨高都縣故城東北阜下俗謂之源源水今按高都舊城卽今鳳臺高都鎮村去縣三十里村後有苑谷名丹水所經而其源在丹朱嶺者甚

微至此始大古之建置廢入不一其名或互異有之至丹之名水經注本引山海經丹林之水則其源必有自可知田氏嘉穀曰丹朱嶺其古之丹林歟本丹林訛丹嶺而加以朱附會堯長子封此之說顏師古漢書注曰長子讀如長短之長或承訛謬遂致丹源失據其說可衷丹朱嶺有說別見而近究丹源之所在則丹朱嶺下一泓初出在縣西北四十餘里接長子界屈曲東南會衆泉而下逕鳳臺境南出山是其源與流之來去分明而丹之名更不必擗摭流血赤土之類以實其證兩志之自爲牴牾者蓋緣未身履其地有說卽記載不暇詳焉耳

王伯厚地理通釋曰澤州高平縣有泫水一曰丹水按泫水水經注云出縣西北元谷東會絕水右入丹不得混爲

一 通典通攷高平漢泫氏縣西北有泫谷水

發鳩山山海經曰漳水出焉郭璞傳云濁漳並無丹水

穀遠山羊頭山之次近丹朱嶺如云穀遠縣今在平陽府

岳陽及沁州沁源縣地疑過遠

上黨記曰長平城在郡南山中丹水出長平山北南流秦坑

趙衆流血成河由是俗名爲丹水水經注云此爲不經矣

田氏曰高平志引方輿勝覽白起坑趙卒血流成丹故名

丹水竹書紀年云晉出公五年丹水三日絕不流幽公九

年丹水出反相擊考其時在白起趙括之前已有丹水其

說謬

又志曰上黨諸山之水建瓴而下暴雨輒驟漲二三丈涌

赤土似丹色然蓋山土多赤色山水驟發他處亦有然者

澤州府志

卷之六

山川

十七

浮雲河縣城北宋祥符元年龍見河因以名金皇統二年龍

復見省志曰絕水當卽今浮雲河

長河縣東北南流入丹水河渠迤遠環帶縈紆中界七佛山

因有東西長河之別

許河縣南二十里合縣西南之水經許莊流入丹河省志曰

長平水當卽今許河源出原潔泉

橫澗河縣南五里澗有石橋

天王池縣治集賢橋西水族不生卽投入亦不育

濟瀆池縣西六里骷髏村濟瀆本在懷慶鄉民於此建廟祀

五龍池縣西二十里楊村五龍山下

淵靈泉縣東十里米山西谷有祠禱雨多感宋賜號淵靈

原潔泉縣西二十里原村卽許河之源周四丈深一丈五尺

極清甘冬溫夏涼東西分引漑田西南流十餘里合山澗
經許莊名許河上黨記曰長平城在郡之南秦壘在城西
二年共食流水澗相去五里省志曰此卽是耶

玉女泉在韓王山有祠土人禱雨于此

金龍泉縣北二十里團池村相傳二魚時躍於泉遇雨卽飛
去今之蓮花池

定林泉縣東十里米山鎮北有定林寺山穴湧出如噴珠飛
玉可池可軒

舍利泉在開化寺一泓澄然汲之不涸

鴉兒溝丹朱嶺南宋慶元間老人張勝者多善行家溝之南
麓日夕羣鴉集屋驅之不去子姓頗繁因名其溝

陽城縣

澤州府志

卷之六

山川

十八

太行山縣東南連析城王屋諸山博物志云太行山北不知
山所限極

析城山縣西南七十里索隱曰析城山在河東濩澤縣西南
晁氏說之曰草木分析曰析山峯四面如城吳氏證曰有
南門焉水經注上澗水南歷析城山北山在濩澤南禹貢
所謂砥柱析城至于王屋也山高峻上平坦中有二泉東
濁西清左右不生草木數十步外多生細竹其水自山陰
東入濩澤水史記正義引古今地名云山方七百里

省志
云連

王屋山
言也高萬仞寰宇記云山頂有湯王池俗傳湯旱祈雨

處今池四岸生龍鬚草括地志曰山在澤州濩澤縣西南
七十里天寶元年改縣曰陽城故通典云陽城縣有析城
山濩澤水也王屋山志析城之山升白氣于天落五斗峯

化爲濕雲自竇中滴水降太乙池舊志云周四十里有二泉亢旱不竭與濟瀆通宋建成湯廟并析山嘉潤公祠宇二百餘楹東巖有龍洞龍池龍窠

王屋山縣南百里尚書注晁氏曰山狀如屋地理今釋曰王屋山在今河南懷慶府濟源縣西北九十里接山西平陽府垣曲縣及澤州陽城縣界山有三重其狀如屋縣志曰劉會孟云在山西澤州唐武德曾升縣治爲澤州金志陽城有王屋山明程百二方輿勝畧陸應暘廣輿記俱載縣境地理志曰王屋在河東垣縣東北垣縣卽今垣曲屬平陽府省志謂西南跨垣曲縣境者也又云山堂肆考王屋山在山西澤州陽城縣上有仙宮洞天廣三十里狀如屋列子所謂愚公移山者卽此元和志曰山周一百三十里

澤州府志

卷之六

山川

十九

高三十丈按山北絕頂曰天壇左右二峯東曰日精西曰月華上有石壇曰小有清虛洞天西有黑龍洞洞前有太乙池是濟水發源之處蓋旣伏而後見于濟源也

底柱山縣東南五十里山有三峯中峯特高秀其下皆土起峯處則石若石柱然以形指稱非禹貢底柱也底史記作砥說文云底或從砥厲石也明都穆砥柱記曰特一巨石其平如砥禹鑿之爲三門

底柱辨

禹貢底柱析城至于王屋太行恒山至于碣石此導山自西至東從東至北之文又曰南至于華陰東至于底柱又東至于孟津東過路汭至于大伾此導水自南至東東而又東道理經由施功次第之脈絡經文秩然易知尚書大

傳曰此三山在冀州之南河之北東行今陽城析城山在西南底柱山在東南是東行之次已與經反而底柱析城王屋三山又皆近在三五十里之內經文中表識處獨無此之促總由誤以傳注中陝州三門山有底柱石謂之似鑿後得名一語遂將從前禹跡反說續加而入後牽連妄稱亂實承訛襲謬俾昭灼日星之文直墮黑障夫呂梁有二龍門有三積石有四名禹跡者隨處傳疑任意標指何怪乎陽城一山其形若柱遽因析城王屋而類聚之竝不詳經義何在前者聽聲後者應響并至本文而反生擬議焉可慨也經言底柱者再見於導水曰東至于底柱則東行之文極確是先底柱而析城而王屋無疑如以底柱在陽城兼披其舊圖於經文應曰王屋析城至于底柱矣而可乎今按底柱在陝州平陸界者爲禹跡其陽城之底柱是以形似得名不宜亂經

附衆說 縣志曰底柱山縣東南五十里禹貢底柱析城至于王屋勢相連屬且以經文考之導山皆注山導水注水導山自當經此書注云陝州三門有底柱石其形如柱似鑿後得名 前州志曰邑南五十里山有三峯若石柱然故名底柱禹貢至于太岳底柱析城至西南五十里爲王屋三山距黃河俱百餘里禹貢所稱卽此析城山邑西南七十里 後州志曰底柱山縣東南五十里山有三峯西南三十里爲析城五十里爲王屋勢相連亘禹貢底柱析城至于王屋以經考之當是書注云陝州三門山有底柱似鑿後得名 通志曰底柱山在縣東南五十里連析

城王屋山西南三十里爲析城五十里爲王屋禹貢底柱
析城至于王屋孔傳此三山在冀州之南河之北東行尚
書注陝州三門山有底柱石其形如柱似鑿後得名正義
地理志云析城在河東濩澤縣西王屋在河東垣曲縣東
北地理志不載底柱底柱在析城之西是指陽城底柱山
也通考禹貢底柱析城至于王屋太行皆在州境是全有
太行之險固

按諸志雜引經文誤闕傳注皆緣不詳大傳東行二字之
義并疏中此三至東行之文因疑經文底柱反屬後起此
一誤也至通志既載大傳東行之說何復仍舊志文而云
鑿後得名是再誤矣後引地理志不載底柱并引底柱在
大陽關東析城之西此古人已明指底柱處所乃更復因

析城之西四字竟拉華陰以東之底柱入之是引鏡而復
蒙以塵何哉又據按云正義指底柱在析城之西是指陽
城底柱也不知陽城之底柱實在析城之東其圖與說具
在析城曰縣西南底柱曰縣東南不瞭然在本志紀載乎
一指數東西間便不必煩言而解也其通攷蒙禹貢文謂
全有太行險固是概說之辭亦未得藉資謂底柱之實在
陽城令後人不生希微疑竇也

漢地理志濩澤縣禹貢析城山在縣西南 隋志濩澤有

嶠嶠山濩澤山河北縣有底柱山 唐志河北縣有底柱

山有傅巖

後周改大陽曰河北
縣今解州平陸縣

貞觀中太宗巡幸命魏徵

勒銘水經注底柱亦名三門在大陽縣東引禹貢文於濩

澤下祇注析城而不及砥柱王屋 通典通考陽城縣有

嶠嶠山瀋澤水析城山禹貢所謂底柱析城也亦不指有
砥柱又通典曰陝州硤石縣有底柱山

按自漢以來輿地志著是邑之山川者皆無底柱名有之
自縣志始茲記注時機槿不敢安有疑焉事考核因詳著
之

德清胡氏渭禹貢錐指曰陽城縣志云底柱山在縣南五
十里若石柱然故名自此西南至析城三十里又西南至
王屋五十里余按禹貢之三山自底柱而東爲析城王屋
故傳曰東行而志所言乃反之知爲土俗之謬因析城而
附會也

附載禹貢底柱 東至于底柱尚書大傳曰底柱山名河
水分流包山而過山見水中若柱然在西虢之界

胡東樵曰西虢

澤州府志

卷之六 山川

二十二

今河南府陝州 蔡傳曰底柱石在大河中流其形如柱今陝州陝

縣是也

地理今釋曰底柱山在今河南府陝州東四十里大河中西北去山西平陽府平陸縣五十里

底柱析城至于王屋注疏曰正義曰地理志云析城在河
東瀋澤縣西王屋在河東垣縣東北地理志不載底柱底
柱在大陽關東析城之西從底柱至王屋在冀州南河之
北東行也

行水金鑑曰言有似是而非者爲害最甚如經云太行恒
山至于碣石說者謂碣石與二山竝舉則必高大相敵故
以昌黎縣北之山爲碣石而其實不然經云底柱析城至
于王屋今底柱見在其能與析城王屋爭雄乎觀底柱則
碣石可知矣不信海中之碣石而以昌黎縣北之山爲碣
石則亦將不信河中之底柱而以陽城縣南之山爲底柱

底柱無異論而碣石多枝辭何也一在一亾故也 又曰陽城縣在山西澤州西八十里近至縣南有底柱山而傳記無之與昌黎縣北之碣石正是一類

嶠嶠山縣西三十里下有濩澤縣故址水經注陽泉水東逕

陽陵城南卽陽阿縣之故城也漢高帝七年封卞訢爲侯

國澤水歷焦

宋本作焦

燒山東下與黑嶺水合水出西北黑嶺

下卽開蹬也通典嶠嶠山在濩澤通考曰在陽城

莽山縣東南四十里謂漢光武追王莽至此俗稱王莽山又

曰望潁山峯巒雄亘北顛曰北立門由此而下如入淵井行十餘里至麓有紅峪水轉而上如登梯磴又十里至嶺

首曰南立門傍一峰壁立名繫馬樁有試劍山兩岨中剖紅

峪水出焉沿河有香盤數百林巖深翠多猿獠攀緣又有

澤州府志

卷之六

山川

二十三

石人三盤等山田氏曰水經注沁水以西爲王屋山則此山卽王屋路史女媧又曰皇母注按太行一曰皇母山亦曰女媧山崔伯陽云一曰皇母云女媧於此煉石補天按今濟源有女媧山一曰女山古老言爲皇母山地界相接又疑此山皇母山太行之異名耳其中有蕭王遺跡光武追莽史無其事或以駐河內游獵及之

盤亭山縣西南八十里一名塔樓山羣峯卓立環障青蒼上

有千峯寺後唐僧洪密居此

鐵盆嶂在盤亭山左極高峻懸崖滴溜石泉一泓仰承若盆

孟白孕謙碑記云陽城西南多山最奇者盤亭山盤亭之

尤奇則鐵盆嶂嶂純石骨一壁萬尋頂有微膚凝滑如脂

僅數尺當佛座下有神漢出自石隙珠滴成泉下有凹石

承之渟洿晶徹如盆然也

峪溝山縣東二十里蒼崖插沁曲礪穿林

小天壇山縣東二十里形類王屋一峰聳峙東瞰沁流白孕
謙碑記云縣東二十里曰劉善村當沁水之隈北一峯最
峭桀視王屋具體而微舊有軒轅廟

可樂山縣東三十五里層巒曲磴上有瀑布二山腰石龕丈
許瀑灑前如簾

香臺山縣東南二十里上有唐太宗廟

麻樓山縣南四十里有東西兩麻樓在桑林南三峯相距四
五里不相連屬嶮峻可守避兵者多築砦其上

小寨山縣東南五十里沁水東繞有鳥道裁容步避兵者多
居之有元武廟

澤州府志

卷之六

山川

二十四

孤山縣東南八十里環萬山中孤峰突兀旁有聚落爲阜軍
口要衝

峰山縣南四十五里孤起高峻

方山縣東北三十里形若憑几爲邑右屏

史山縣東北三十里產鐵其西五里有金裏谷惟堆下有鐵
鑛

千峰嶺縣西南四十里析城之西石壁懸崖下瞰清溪仄徑
裁通

雲濛山縣西南八十里千峰寺南峭壁危巖林木叢翳有石
龕

鐘鼓山縣西南百里接垣曲縣界

卧虎山縣西四十里山形嶮突上有萬松亭下有靈泉寺後

唐僧洪密奉敕建唐司空圖有記

靈通山縣西北五十里山半有風洞蓋風隧也有黑龍廟
畫山縣西北三十五里形如一畫望者謂長虹亘天劃然下
垂前爲營匠山爲邑之脉舊志云清淵水自表山而來疑
卽此

營匠山在畫山東迤南結縣治土人云秋多鷹亦名鷹架山
萬戶山縣西北五十里登顛見舊治及近村落

傅齊嶺縣西北七十里接沁水縣界

崦山縣北三十里方山之右環崖松柏隱映危樓上有白龍
神祠亢旱禱雨於此前有龍湫

左崦山又左方山山之支也

小崦山縣東南二里形類崦山上有甘泉下臨沁河

澤州府志

卷之六

山川

二十五

白巖山縣北三十里有龍巖寺後圍棚障前鉤柏帶在嶺壑
間一石梁斜通望中不知其極更造方廣三十畝復倚大
巖壁立數十仞中空可以避兵窮巖頂望析城砥柱樊莽
諸山環列拱揖左崦山更左方山石梁東南彈碁石下有
美泉不盈尺而可灌圃昔楊貞肅公繼宗曾讀書其中寺
東一小龕白司空所知題曰白兔聽經處又一名龍巖山
九女臺縣東南四十里峙沁河中流濤響奔雷而屹然孤縵
上有九天仙女祠

望禾臺縣北五里崇岡之上一峰特起登其頂百里之山皆
見爲邑之主山碑題曰雄邑靈脈

金裏谷縣東三十里谷中建海會寺松柏森蔚樓閣參差曲
水迴廊脩篁游鯉所謂海會龍湫也張金銘有種松銘獨

夜聽泉詩內有鳳尾竹清夜無風自響有金玉聲海會竹風是也一名龍泉寺唐乾寧間碑記云東鄰郭社之陌前據金谷之垠開元間石刻在其南村亦曰地屬金谷鄉虎谷縣東三十五里屯城泊園外東山中有清溪溪盡有小梁梁上懸崖有菌閣張慎言詩石室溪橋泊水東

北隱谷縣東長河北南有梵洞

南隱谷縣東長河南

隱谷縣東南六十里巖穴嵌空林莽翳鬱俯視其下危崖千仞蓋高士遁跡之奧區也旁有梵洞

陶峪縣西四十里左卽陶峪河也兩山對峙前突高阜土人謂石龍戲珠內建福勝寺寺側雙潭澄碧其一四周石厓水由崖出如門其一似盆左右蹲石似獅

澤州府志

卷之六

山川

二十六

龍崖縣東南六十里崖半有石洞可梯而上中廣方丈燃炬行里許有潭甚深淵

阜軍塚縣東南五十里在莽山之東

石門縣東南二里兩山中劃澤水中流白孕謙詩萬山奔一城石門當水口

羊腸坂縣東六十里下有棲龍池

石塘洞縣東南四十五里陽阿水入沁之側洞懸山坳嵐氣蒸潤滴瀝清甘石屋灣環雲沈霞鎖亦異境也

脩眞洞縣西南五十里臨澗村洞深數里山形蜿蜒如龍頭角鱗甲宛然岩水滴如簷溜立見堅凝以成冰筋石髓融結多龍文雲氣之象中多白蝙蝠窮其奧風聲水聲琴竽響答有石牀石枕石鐘磬等變幻不可名狀

黑龍洞縣南六十里西南深澗中林木環密有黑龍廟
蒸餅洞在麻樓山南石壁百餘丈梯繩而上中長二百餘步
昔人作板橋三十間今圯後有一泉可飲數百人
龍洞在析城山顛東巖有洞深不可測水流潺潺有聲相傳
中有龍在

隱洞白東谷居此其精舍記云予歸山中所居隱洞巖壑險
絕獨西峯有洞名梵延

精涼龕縣東二里匡顛有石室有風隧在鷲峯之北

白澗嶺在濩澤水西下有濩澤泉

郎家山

濩澤縣西北十里東南流至平頭莊入沁舊志謂出嶠嶢山
下瀦水一泓澄瑩不竭縣名濩澤州名澤以此水經注曰

澤州府志

卷之六

山川

二十七

沁水又南與濩澤水合水出澤城西白澗嶺下東逕濩澤
墨子曰舜鮒濩澤應劭曰澤在縣西北又東逕濩澤縣故
城南蓋以澤氏縣也省志云西白澗嶺下有濩澤泉東北
流合沁河泉西有濩澤靈源祠

按據此有二濩澤矣考之水經注謂陽泉水歷焦燒山東
下與黑嶺水合陽泉水又南注濩澤歷焦燒山而不言濩
澤直至又南而曰注濩澤則濩澤以白澗嶺下出者爲是
其嶠嶢山下出者前無所徵以同出于西山因槩名之爲
濩澤也 水經注墨子曰舜鮒濩澤世紀云堯求賢四岳
薦舜堯命之于順澤之陽史記五帝紀云舜耕歷山漁雷
澤陶河濱作什噐於壽邱就時于負夏鄭康成釋歷山在
河東雷澤在濟陰負夏衛地蔡仲默曰雷首在蒲坂縣南

有水曰雷澤卽舜所漁之地是舜之所漁又有三墨子在
濮澤鄭謂濟陰蔡謂蒲坂曾子固辨鄭說歷山之非謂在
齊州者是以其合孟子東夷之人爲證且云歷山不應獨
在河東而不辨雷澤省志曰淮南子云釣于河濱濮澤金
鑰謂澤州爲舜澤合之蔡說歷山雷澤皆在河東又大與
曾說反夫方輿名地已多互異本經傳者尚可據依而後
之援引者喜從而亂之然聖人遺跡隨在瞻懷亦不必多
爲分別也 濮澤城西三十里有澤城村漢置縣唐初改
澤州治尋移端氏 竹書紀年梁惠成王十九年晉取原
武濮澤

沁河源出沁源縣由沁水縣郭壁鎮入縣東北屯城里經潤
城沁渡迤邐而南濮澤水入焉西滙蘆河澤河桑林河又

澤州府志

卷之六

山川

二十八

東滙長河東南流逕午壁亭至公娥澗出山口卽枋口也
建瓴下注至覃懷會丹水入黃河

源界也今俾胥往探河流爲圖以覈之其下口處直東逕鳳臺邊界一百五十二里至范家河始出山入濟源相去彌遠豈水道古今或異分派別耶抑前考未確 水經曰

又南過陽阿縣東注曰沁水南徑陽阿縣故城西魏土地
記曰建興郡治陽阿縣郡西四十里有沁水南流沁水又
南與濮澤水合水出澤城西白澗嶺下東逕濮澤又曰沁
水又東南陽阿水左入焉又南五十餘里沁上下步逕裁
通小竹細筍被于山渚蒙籠拔宋本茂 密竒宋本最 爲翳薈也
沁河逕縣有潤城津沁渡津王村津南逕石門謂之沁
口 水經云又南出山過沁水縣北省志曰按沁水出山
始過沁水縣北宜考 今考舊沁水縣卽今懷慶濟源縣

也秦爲軹縣晉省軹縣入沁水縣屬河內郡北齊廢沁水復軹縣至隋時始名濟源水經云又南出山過沁水縣北指今濟源縣境也軹縣舊城今濟源縣南十三里沁水舊城在今濟源縣東北沁水南沁臺西漢置今呼爲王寨城澤河縣南郭外源出西北析城山之支東南流會衆水入于沁舊志謂自表山而來入於澤水逕城南折而東由石門下入沁水經注云其水際城東注又東合清淵水又東得陽泉水口又東南上澗水注之水導源西北輔山東逕銅于崖南歷析城山北自山陰東入濩澤水濩澤又東南注于沁水 今陽城表山輔山皆不載要屬析城之支山也省志謂墨子言舜漁於此澤今在陽城十二里郡國志言邑西今有地名舜田

澤州府志

卷之六

山川

二十九

西河源出縣西北三十里畫山逕縣西南上王曲李邱遶縣西南流入於澤河水經注曰澤水際城東注又東合清淵水水出其縣北東南逕澤城東又南入于澤水西河卽清淵水也

蘆河源出沁水縣鹿臺山樓子坡逕縣西北芹池劉村蒿谷美泉孔寨下入於沁水經注曰陽泉水出鹿臺山上有水淵而不流其水東逕陽陵城南歷嶠嶠山東下與黑嶺水合出西北黑嶺下卽開蹬也其水東南流逕北卿亭下又東南逕陽陵城東南注陽泉水陽泉水又南注濩澤水蓋蘆河卽古之陽泉水也省志謂陽泉水古入澤水今直入沁

長河發源鳳臺縣北大陽鎮經縣境入沁河

桑林河縣南四十里一名大河源出麻樓諸山歷西冶合龍洞川水東北入沁地多桑名曰桑林相傳成湯禱雨於桑林卽此今湯廟前瀦水澄泓不竭遇旱禱此多應

盤亭河縣西南八十里源出析城山下會諸澗水注於西南兩岸田可資灌溉遶王屋山陰迅流而下瀑布垂簾懸河注壑南下濟源境

青蘿河縣東南九十里源出底柱山之西漣漪澄潔緣谿環轉由王屋山下入濟源界唐岑參讀書處有思青蘿舊齋詩

棲龍潭縣東六十里卽陽阿川水也水自章訓里逕境內數十里至此兩山夾束一綫裁通石磴懸崖建瓴瀑注流入沁河水經注曰沁水又東南陽阿水左入焉水北出陽阿

澤州府志

卷之六

山川

三十

川南流逕建興郡而其水又東南流逕午壁亭東而南入山泐波漱石瀟澗八丈環濤轂轉西南流入於沁水白孕謙碑記曰潭當谿谷衆流穿射之衝泓然深窈莫測底極或值暑雨秋濤蕩潏凌嘯及夫泝寒收潦湛然一碧若巨螺盛醞醪萬斛沿岸石凝滑如脂履之頭岑欲墜習傳其中爲神龍之宮潭以此名四外山雄立矗起稍南平岡若畫置名曰龜山土人建龍神祠上有羊腸坂

泐水源本王屋山太乙池禹貢導泐水東流爲濟山海經北次太行又北百里曰王屋之山是多石瀨水出焉而西北流注于泰澤郭璞云地理志王屋山泐水所出瀨音輦泐音亮聲相近殆一水耳泐卽濟也孔氏安國曰泉源爲泐流去爲濟省志云泐水在濟源西東北流注於泰澤爲濟西源

澗水在濟源東北南流與西源合爲濟東源水經注濟水
重源出溫城西北平地水有二源是也

百眼泉縣東三十里沁水之濱有泉百眼沸騰湧出漚流于
沁

玉泉有二礫石爲池皆甘冽一在東關青陽坊北元丞相脫
脫子主簿禿必歹建清風亭一在西關同園北土人名西
大泉白司寇孕謙名曰湛泉

龍泉王國光曰海會亦名龍泉前有金谷文翔鳳詩險乃在
瀆澤之西芹池之東巖壁或懸六七寺澗石頻推兩三松
羊腸盤處天如帶豕腹脈時水似弓王惲龍泉寺詩萬松
亭廢久重拂短碑看詩注碑大定間澤州刺史楊庭秀撰
靈泉司空圖靈泉禪院記中條發于蒲企於良傑出而爲太
行則天壇不得不冠冕嵩華爭勅日觀也其北川壑會流
盤鬱濃粹自高平西顧以至靈泉極矣泉之爲靈非惟利
物當以滋潤所及不育毒螫也

師婆泉在澤河中流相傳與析城山通每析城積雨之後近
山村民多聞水響而不見其形數日後泉水暴發發則澤河
爲漲

煖泉在東關崖下濱澤河王國光詩泉煖猶聞野苻香

陵川縣

錦屏山縣南二十里山多芍藥翠障如屏宋元豐年間都君
錫棲此邑令呂由庚偕名流高子美谷漢臣入山訪之爲
芍藥會

東海神山縣東十一里

菊嶺山縣東南五里高二里許多產菊有捍水口一名漳門
山上有龍王祠

棲鳳山縣西南四里其東有泉繞山麓百餘步而伏上有感
應亭

箕子山縣東二十里高五里許西南山麓石上有巨人足跡
傳云箕子避地來山中武王訪以治道於此納履焉

流泉山縣東四十里

風門山縣東六十里山形如門連板山

板山縣東五十里山方而峭接熊耳山

熊耳山縣東北四十里兩峯峭立狀如熊耳水流其間月自
峽中吐出下有空翠亭

花瓶山縣東五十里高五里盤踞七里

澤州府志

卷之六

山川

三十二

馬武山縣東五十里周百里四山峭壁有漢馬武砦俗呼馬
武砦山陰多積雪不消棘無倒刺蛙不鳴土人傳漢光
武遺蹟

黃圍山縣東南五十里孤峯插天陟頂見黃河山半有洞
嵩山縣東三十里

佛子山縣東四十里爲太行絕頂東南望黃河二百里徐河
詩左齊右晉如羅宿北岳南嵩似點苔上有靈雲寺

孤圍山縣東七十里高十里四面山圍絕壁周遭宛若石城
中突湧一峯翠入天際惟飛鳥可至其上水瑩巒映互相
噴薄非畫手所能摹一名孤峰山下有平田水

天柱山縣東八十里下爲輝縣箔壁鎮

六泉山縣東北十里有六泉自山半洞中出山接熊耳

龍門山縣西一里兩山橫亘中缺似門

魯山縣西十五里上有松峯蔚鬱

靈泉山縣西南十里山有靈泉

馬鞍山縣西南四十里

古賢山縣西南七十里隋僧曇如居此

鳳凰山縣西南七十里形似鳳接高都河至鳳臺縣五十里

秦嶺縣西北三十里

寶應山縣西北四十里接長治縣界西火嶺秦嶺之北峯也

時有雲栖其上一名卧雲山岩半有寺甘泉古洞幽閒遼

迥相傳昔一僧創寺屋材悉取自洞中寺成僧退入洞擁

大石自閉焉

黃沙山縣北十里北接蒲水一名天一山又名太乙山爲邑

澤州府志

卷之六 山川

三十三

之主山

聖宮山縣北二十里接壺關縣西南界有蒲水合流丹河

黃華山在陵川壺關間明宋濂題王黃華詩藁後有黃華山

主王庭筠也

狀元峯在東川雙峯峭立如青萍吉祥院碑宋崔有孚年十

五鄉貢第一二十五廷對第一蘇村墓表金源時武明甫

貞元中及第明甫猶子武天祐承安五年及第天祐弟天

和太和中及第仕林莊墓表趙安時正隆間及第官至中

順大夫安時弟安榮亦第一又晉寧路李俊民亦金源末

年及第曾避兵邑之嵩山邑令因建七狀元祠於東川武

氏尚有子姓趙崔墳墓僅存李俊民高節不應召元賜號

莊靖先生

含珠砦山在縣東河南輝縣界

王莽嶺縣東百二十里輝縣界

九仙臺縣西南六十里石臺突起高數十丈相傳有仙跡下有清源泉

黃圍洞縣東南五十里黃圍山洞中有山有谷有風門雲門神井靈湫有浮圖石乳滴成者昔人秉炬深入四五里遇黃河一朽木不敢越而出洞口一峯中空如門相傳達紫團翠微洞云

一斗水縣東九十里山石上斗許水不滿不竭

平田水縣東南九十里源出孤峯山下流注河南輝縣入於衛河地多松栢居人作香磨資生

瀑布泉縣東南一百里懸崖輕濺漾如飛烟驟視之不知其

澤州府志

卷之六

山川

三十四

爲水也一名鯉池

浙水縣東北四十里東流逕壺關縣界又東南入縣境又東入河南林縣注於滏陽

西溪縣西南五里發源鳳山其地陽煦得春最蚤游人多憩集于此

雙泉縣西南四十里二井相去不數步一甘一苦

義井縣西二十里味甘居人取汲以序

清涼泉縣西南六十里元好問曰陵川峙太行之顛天壤間清涼境也

六泉在縣東北六泉山半

蒲水縣北二十里發源聖宮山西流南下入長平丹河東接壺關馬鞍山

甘泉出寶應山味極甘

落雁池元郝經故第側擬汴金明池也郝文忠充元國信使使宋宋留之北還之歲汴人射雁金明池得帛書云霜落風高恣所如歸期回首是春初上林天子援弓繳窮海曩臣有帛書中統十五年九月一日放雁獲者勿殺國信大使郝經書於眞州忠勇軍營新館是時南北隔絕不知中統之久改至元也又儀眞館中詩持節江頭久食魚館人供雁意踟躕呼兒細看雲間足恐有中原問訊書

沁水縣

石樓山縣南二里自烏嶺南延八九十里爲石樓御屏兩山山脈悉會于縣治其間界以杏水峻嶒峯嶺形似樓臺山半舊有石樓後廢因建石樓寺下有濯纓泉入杏谷水何

澤州府志

卷之六

山川

三十五

景明石樓賦沿清溪跨絕澗控天梯鈎石棧羅羣山子膝下挺層臺於天半彭甫六柳莊記沁之南一里許有山曰石樓林巒峭壁川原奧衍其畔有田有泉鹿臺山縣南二十五里巖岫高寒雖夏月猶有積雪水經注陽泉水出鹿臺山山上有水淵而不流其水東逕陽陵城南山有文石岡雙蟾嶺顛上時聞仙樂聲東接夫妻嶺東北連石樓山皆約二十里許舊志引山海經語按郭景純傳云鹿臺山在今上郡似非此山

小堯嶺連鹿臺山

夫妻嶺縣東十五里由鹿臺正東三十餘里相傳夫妻挽車至此力竭而斃張昌詩夫妻推車上長坂化爲兩鳥常相偶省志載北魏楊擲授建州刺史鎮車箱侯景趨齊子嶺

畏擲來禦斫木斷路六十里而遁是嶺東連仙翁山嶺上
高峯爲尖山山東數十里爲紫沙門

拾崇凹嶺縣東十五里連將軍腰小堯嶺

馬邑山縣東二十里通考沁水有鹿臺山馬邑城今名馬圈
溝相傳白起牧馬處

車鞞山縣東三十里一名偃月山上有車鞞寺又十五里爲
西城村卽古端氏稍東爲河頭則小河與沁河交會處

峯岳山縣東四十里有峯岳寺山在沁河東

三皇嶺縣東五十里嶺西北爲孔壁東南數里爲鄭庄

紫金山縣東五十五里其東爲郎壁又東北十五里爲王壁
又二十里爲大匠村

仙翁山縣東六十里東十五里連榼山高壓羣岫由仙翁而

澤州府志

卷之六

山川

三十六

東南三峯倏峙爲三纏凹

三纏凹縣東七十里在仙翁山東明崇禎六年流賊寇陽城
北張道濬設伏于三纏凹賊至擊之斬其魁生擒賊首滿
天星等遂大奔

熊耳山縣東六十里由佛廟嶺而東兩山高峙其東一山有
白雲寺東北十餘里有金山

佛廟嶺縣東六十里有佛廟

林村嶺縣東六十里

鳳凰山二一在縣東七十里連大尖山高峯迤東連岳陽浮
山界相傳秦始皇鑿斷其頭處二十餘步一在縣東北十
五里有李司徒墓

孤山縣東八十里一名筆山邑人常評事倫十五歲著筆山

賦

榭山縣東九十里接卧牛山闌干嶺稍下而榭山突出坪上
清泉飛閣松柏參霄上有白雲寺寺踞層峯憑虛有天外
樓俯瞰塵寰渺然身世殿前白松三左二圍一丈五尺右
差小高數丈膚理瑩滑如雪山中萬松皆然此特其巨者
山半有松泉又有泉自石中出悉甘冽異常明張五典三
松說曰密縣白松彼一此三今存二中有三老堂邑人張
鎗有榭山志

金山縣東九十里古端氏城西南下有金峯村又東十餘里
有洞兒菴

卧牛山縣東百里一名大嶺橫亘十餘里豐隆隱厚狀若牛
眠上有西子梳粧臺東北爲闌干嶺又東下陡起一峯曰

澤州府志

卷之六

山川

三十七

散石臺突兀玲瓏可出入上下

文筆峯在卧牛山正東若斷若續一名華蓋又東數里三峯
竝列竇莊在其下

崑山縣東百里有崑山寺羣山綿延一名隗山唐志端氏有
隗山勢甚峻顛有浮圖下有五龍祠西下數里濱於沁河
端氏鎮在焉卽古端氏城蓋崑山與榭山東西相望翠巘
争竒沁水流繞其中二十餘里間居民甚稠

西岳神山縣東百一十里山麓有賈封鎮在賈封者爲西岳
神又爲小岳神在湘峪者爲東岳神

東岳神山一名洞陽山縣東一百二十里接鳳臺界高十里
許東北連老馬嶺山麓爲湘峪村明張愼言題石曰肫岳
上有大岳神廟

樊山縣東百二十五里山前有老姥菴山後即可樂山陳廷敬老姥掌遊記上黨南三百里有山曰方山又南十五里曰洞陽山又南十五里曰樊山三山高出地上皆直下萬仞由樊山則枝分條披爲峯壑爲礪爲寧爲巘爲巘爲岫爲巖其又南則底柱析城岩壁重複如樓堞如墉隄如玦如環繚絡數百里其中長川夾岸若斷若連陟樊山之顛皆見焉樊溪東涘在山之南有曰老姥掌數十里之內聯嵐亘輝俯可搏擷如置諸掌老姥掌接鳳臺陽城界吳山縣東百四十里山半有賈寨迤東北爲蟠龍嶺上有馬跑泉西南接崑山自吳山西南三十里爲司家山屬鳳臺稍南爲北落村屬沁水其上爲岳神山又東南有老母掌在鳳陽之交

澤州府志

卷之六

山川

三十八

空倉嶺縣東百五十里高平界所傳白起詭運米置倉以給趙括者自此而西北有固縣中有下梁南有玉溪

老馬嶺縣東百五十里連高平界商旅通塗山巖寫僻上設防兵北五十里連秋峪嶺

鷗黃嶺縣東百六十里接長子界于寶搜神記崔府君爲長子令鷗黃嶺有虎食人府君移牒捕之而虎自來伏罪卽此

秋峪嶺縣東百七十里接高平長子界北三十里接宇峻山御屏山縣西南二里形似屏連石樓山中間杏水

玉嶺縣西五里迤西袤三十里自東烏嶺東南而下起伏蜿蜒至此突拔雄峯俯視羣岫邑之主山也有澗曰龍池

烽燧嶺縣西二十里明初駐師於此

天子嶺縣西三十里保義村東南相傳漢光武討銅馬賊經此一名漢嶺

阜山縣西四十里隋書名輔山按水經注曰澤水又東南又有上澗水注之水導源西北輔山東逕銅于崖南歷析城山北是輔山應在陽城境又云邗水出太行之阜山則五行之異名也高誘云五行今太行在河內野王縣西北上黨關

歷山縣西五十里有舜廟廟側有瀉汭二泉北有大洪池小洪池西北有陶壑谷幽榛密居民尠少按歷山據曾南豐辨在齊州州舊有歷城蔡仲默謂在雷首山有九名其一曰歷山以其有瀉汭水也陽城濩澤又謂舜漁舜田皆在彼茲沁水有歷山及瀉汭陶壑是聖跡所在多有亦莫能

澤州府志

卷之六

山川

三十九

名其是否也山海經中次五經內又東十里曰歷山近洛不數十里許於河洛間又有歷山焉

丹坪山縣西六十五里白華村有下疊中疊上疊上疊有泉顛有平地三十畝山下爲丹壑岳將軍飛七砦之一忠義社砦子凡七處

東烏嶺縣西北四十里與西烏嶺兩山對峙西烏嶺爲翼城縣地南連關子門杏水源地理志名黑嶺避宇文諱易今名縣志穆天子傳西絕鉞墜卽此二山省志謂山西郡縣志多書鉞際胥涉傳會

碧峰山縣北三里高四里許東連鳳皇山車輞山至河頭村下有沁河西連清風嶺東烏嶺山形峭拔林木蒼翠有靈泉深尺許禱襍輒應建五龍祠東崖有榭樹鼓掌應聲名

驚雞樹

大尖山縣東北二十里東數里一岡橫亘北跨岳陽浮山二縣袤五十餘里名橫嶺又東四十里抵大匠村爲沁河之涘矣

三尖山縣東北三十里三峯竝峙

黃龍山縣東北六十里上有黃龍書屋舊州志

宇峻山縣東北百里接長子界古名巨峻山金志端氏有巨

峻山石門山北三十里連鷗黃嶺南七十里連佛廟嶺

龍岡縣東二里自北碧峯山來又十五里爲鳳皇山馬邑李壁皆在山足

鳳原岡縣西半里高二里連玉嶺高峯由玉嶺下平岡袤衍一名平原兩水環抱縣治居其下

澤州府志

卷之六

山川

四十

杏谷縣西三十里谷多杏當花時彌山翳壑爛熳嬌紅

關子門縣西翼城東南十餘里連拾崇凹嶺

黃土洞在歷山西內有丹竈石牀

南陽仙洞縣西五十里南陽村南山洞名仙人碣洞口上闢

虛牖石蓮倒垂少進石雲層湧色蒼白又百武洞高至五

六丈廣半之有石龍石象等又一里有石鼓石鐘擊之聲

聞洞外後有竇時有風濤聲洞壁多弘治間人題

子沙腰縣東南八十里連方山南十五里連眼子腰陽城界

下有沁河

洪谷唐洪谷子荆浩字浩然隱太行洪谷工丹青尤長山水爲唐季之冠所謂荆關董巨也

石門山

石幢山縣西南四十里林莽鬱鬱路通中村張馬諸鎮
雲臺山縣西四十里上二山續脩縣志補

沁河縣東五十里源出沁源縣綿山經岳陽縣東大匠村入
縣界西南流逕紫金車鞦諸山五十餘里至鄭莊村合梅
河又東南五十里至端氏鎮又南流三十餘里至武安鎮
入陽城界自此西南流百五十里至河南濟源縣境折而
東逕河內武陟入黃河沁水從太行南下由枋口而東會
堯王泉水又東丹水注之金地理志濟源縣有太行山以
沁水爲界西爲王屋東爲太行水經曰沁水出上黨沮縣
謁戾山沮當作涅卽今武鄉酈善長注云沁水卽洎水或
言出穀遠縣卽沁源羊頭山世靡谷三源竒注逕瀉一隍又
南會三水歷洛出左右近谿參差翼注之也沁水又南歷

澤州府志

卷之六 山川

四十一

猗氏關又南與羸羸水合水出東北巨峻御覽作駿山乘高瀉
浪觸石流響世人因聲以納稱西南流注于沁沁水又南
與秦川水合水出巨峻山東帶引衆谿積以成川又西南
逕端氏故城東南流入于沁水又云沁水南逕石門謂之
沁口石門是晉司馬孚所造謂被明詔修河內水利檢行
沁水源出銅鞮山屈曲周遭水道九百里自太行以西王
屋以東層巖高峻天時霖雨衆谷走水小口漂迸木門朽
敗稻田汎濫歲功不成於是夾岸累石門舊有枋口之稱
矣又云春秋之少水也少水今沁水也 山海經曰沁水
出井陘山東東南注河入懷東南郭傳懷縣屬河內北有
井陘山沁河在懷慶府城北二里河自出山南下有曲堤
渡鄭莊渡武安渡

梅河縣西北三十五里源出東烏嶺東澗東流三十里與梅谷溝水合名梅水又東流至縣東南合杏水至河頭五十里入沁河

杏河縣西三十里源出東烏嶺南澗南流二十餘里與杏谷溝水合名杏水東流接南溝常峪諸溝水折而東十餘里與梅水合沁水令何陳宮立橋以濟民甚德之

海子河源出縣東百七十里秋峪嶺下西南流至端氏入沁河又東西倪村溪水注之有石潭名響淵

玉溪河源出縣東百五十里空倉嶺下西北流五十里至金峰東與海子河合

蘆河縣南二十五里源出鹿臺山經蘆子坡而東故名至張村合峰村水逕陽城東十八里入沁河

澤州府志

卷之六

山川

四十二

可陶溪在歷山西北傳爲舜作陶器處

慈泉在樊山顛陳相國廷敬慈泉銘序樊山之陽高千仞未至顛百步有泉在山徑沙石間味甘冽異他水百鶴阡在其東故名慈泉

靈泉在筆峰山五龍祠內尺許水旱澇常盈少污輒濁虔禱卽應相傳飲之却疾唐李端金李廣明陳清皆有詩

海龍池縣西二十里一名龍潭雖小而禱雨多應有龍王祠馬跑泉在漢封村內石崖上相傳蕭王馬跑地得泉

沃泉縣西四十里源出石幢山東壑經上下沃村東納杏子溝水再東納鴉兒河水又納大興河水東南合澗河入陽城董峰界爲澤河之上流

澗河縣西南五十里土人掘地得箭頭如鏹一名鏹河舊名

清淵水以發源清澗潭也水由白華之南迤東合沃泉水

入陽城境再東合板橋水入澤河

按清淵水水經注云澤水際城東注又合清淵

水水出其縣北是指濩澤縣也

劉曲河縣東六十里發源王壁西里經樊村玉村諸處入浮

山之潭村北合榆社溝水東流數十里復入沁境劉曲村

其水鑿山而下激爲三潭上爲雨潭中爲雷潭下爲風潭

至王壁村入沁河

林村河縣東八十里水出熊耳山

潘河縣東百三十里道仁西山所出至潘莊入沁河

小河縣東一百四十里由道仁里入鳳臺之常店西流接湘

峪水入沁

清澗潭縣西南五十里白華村南一名七仙潭巖豁若龕後

澤州府志

卷之六

山川

四十三

爲洞口石如龍鱗入者足躡鱗上半里許便水深不可入

矣自沃泉以下七水皆續脩縣志所補

義井縣西二十里義井村地少水一井味甘百里人以次而

汲

濯纓泉

許太守日熾補志

鳳臺陽阿水水經注沁水又東南陽阿水左入焉水北出陽

阿川南流逕建興郡又東南流逕午壁亭而南入山沿波

漱石瀟澗八丈環濤轂轉西南流入於沁此今之長河自

石淙以下爲陽城界歷石堂棲龍潭卽入沁也

沁水自陽城九女臺以下入鳳臺界水經注云又南五十餘

里沿上下步徑裁通小竹細筍被於山渚蒙籠拔密竒爲

翳薈也

陽城清淵水水經注云澤水又東合清淵水水出其縣北南
逕縣故城東又南入於澤按今臺底村北清池村有池水
當因唐諱改淵爲池其地在故濩澤城東北其水入澤水
皆與此合鹿臺山當卽今岱岳觀山也側近有南臺北臺
山見李莊靖碑記

陽城田氏嘉穀補志

鳳臺司馬山上有魏司馬碑故名又初學記晉代祠此山因
以爲名

倍澗水沁水又東倍澗水注之水北出五行之山南流注
于沁水

陽城濩澤水經注云沁水又南與濩澤水合水出澤城西白

澤州府志

卷之六

山川

四十四

澗嶺下東逕濩澤墨子曰舜鮒濩澤應劭曰澤在縣西北
又東逕濩澤故城南蓋以澤氏縣也其水際城東注

清淵水水經注云澤水又東合清淵水水出其縣北南經
縣故城東又南入于澤水

陽泉水水經注云澤水又東得陽泉水口出鹿臺山山上
有水淵而不流其水逕陽陵城南卽陽阿縣之故城也

按今臺底村有清池村其水入澤當因唐諱改淵爲池其
地岱嶽觀山亦名臺山當卽鹿臺山也又蘆河自沁水入
縣境所歷有陽泉村故今志以爲陽泉水卽蘆水但蘆河
自沁上流沁渡津已先入沁不入澤也又蘆河土名蘆葦
河

黑嶺水水經注云澤水歷焦燒山東下與黑嶺水合水出

西北黑嶺下卽開蹬也其水東南流逕北鄉亭下又東南逕陽陵城東南注陽泉水

上澗水水經注云濩澤水東南又有上澗水注之水導源西北輔山東逕銅于崖南歷析城山北卽禹貢所謂析城也其水自山陰東入濩澤水濩澤水又東南注于沁水沁水又東南陽阿水左入焉

澤河土名大河其源發於沁水縣南流入縣境合濩澤諸水東入于沁

澗水在濟源縣其源有三一出琮山俗呼爲白澗水一出縣西曲陽城西南山一出陽城南溪俱東南流與瀧水合王屋山金地理志陽城有王屋山水經注晉司馬孚表沁水水道九百里自太行以東王屋以西層巖高峻天時霖

雨衆谷走水德清胡渭禹貢錐指曰按金地志云濟源縣北有太行山以沁水爲界西爲王屋東爲太行則沁西縣界之山卽王屋矣禹貢名山必綿亘百數十里故謂山在縣境也特天壇一峯今屬河南濟源之境耳今側近有十方院其地爲縣境又云王母洞亦縣所屬天壇山背尚爲縣境但深山之中其地界未能確定又志所載元好問詩元集自注云近有人得司馬先生石穴所藏丹經予獲觀於山陽其詩凡十三首

望潁山今呼王莽山謂光武追莽駐兵於此史無其事本不足據志避其名改之耳今按水經注沁水以西爲王屋山則山卽王屋也路史女媧又曰皇母注按太行一曰皇母山亦曰女媧山崔伯陽云一曰皇母云女媧於此煉石

補天按今濟源縣有女媧山一曰母山古老言爲皇母山
地界相接又疑此山皇母山太行之異名耳王屋皇母皆
以音相似而易訛而皇母尤爲近之其中有蕭王遺跡殆
光武久駐河內行兵遊獵或及此山也

金叢谷其山在縣東三十里龍泉寺在其北寺有唐乾寧
間碑記云東鄰郭社之陌前據金谷之垠又有開元間石
刻在其鄰村亦曰地屬金谷鄉則金谷之名舊矣

營匠山在縣北二十里畫山之東迤邐而南以結縣治土
人云秋月多有鷹集其上故曰鷹架山亦以音相近而訛
耳

望禾臺在縣西北五里崇岡之上—峯特起登其顛百里
之山—覽而見爲邑之主山雄偉傑立有碑題曰雄邑靈

澤州府志

卷之六

山川

四十六

脈

師波泉在澤河中流相傳與析城山相通每析城積雨之
後近山村民多聞水響而不見其形數日之後泉水暴發
發則澤河爲漲甚大比年泉水大盛士子多登科者邑人
每以爲占驗

煖泉在東關崖下澤河之濱明縣丞李蓂煖泉望城子崖
詩靈山東畔碧湍回社鼓秋高發縣隈萬樹涼風吹不盡
—鞭斜日煖泉來今堙塞矣

陵川白陘在輝縣與陵川接界 按陵川縣東百二十里王
莽嶺與輝縣接界

沁水巨峻山隋地理志端氏有巨峻山秦川水水經注羸羸
水出巨峻山

輔山隋地理志沁水有輔山又水經注上澗導源西北輔山

馬邑山金地理志沁水有馬邑山

羸羸水水經注云水出巨峻山乘高瀉浪觸石流響世人因聲以納稱西南流注于沁

秦川水水經注云水出巨峻山下帶引衆溪積以成川又西南逕端氏縣故城東
玉溪在端氏元好問有詩

六卷終

澤州府志

卷之六

山川

四十七

